

Naalakkersuisut Siulittaasuat
Formand for Naalakkersuisut

Siumut Inatsisartuni Ilaasortaatitat
Att.: Aleqa Hammond



Medlem af Inatsisartut for Siumut

**Silap pissusaa pillugu ataatsimeersuarnissamut COP15-imut
peqataanissaq pillugu § 36 naapertorlugu apeqquteqaat**

12. oktober 2009
Sags nr.
2009-020999
Dok.nr. 238891

Asasara Aleqa,

Nunat tamat akornanni silap pissusaa pillugu atatsimeersuarnissamut peqataanissaq pillugu Naalakkersuisunut sisamanik apeqquteqaateqarputit, taakkulu matumani akiniassavakka.

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: aan@gh.gl

**1. Decembarimi Københavnimi silap pissusaa pillugu
ataatsimeersuarnissami Kalaallit Nunaata aallartitaqarnissaa qanoq
ilusilerniarlugu Naalakkersuisut eqqarsaatigaat?**

Naalakkersuisunut siulittaasutut nunat tamat akornanni silap pissusaa pillugu isumaqatigiissusiornissap tungaanut isumaqatiginninniarnert malinnaaffigaakka. COP15-imut pilersaarutissarpiaq suli pigineqanngilaq, taamaattumillu silap pissusaa pillugu ataatsimiinnermi suliassat sorpiaassanersut nassuiaateqarfigisinnaanngilara.

Ataatsimeersuarnerup nalaani aaqqissuussineq *In the Eye of Climate Change* Nordatlantiske Brygge-mi pisussa q Kalaallit Nunaata aaqqissuisuuffigisussaavaa. Tassani Kalaallit Nunaat nutaaliaq COP15-imut peqataasunut, tusagassiortunut silallu pissusaanik soqutiginnittunut allanut ilisaritinneqassaaq. Decembarip ulluisa 11-ianni aaqqissuussinerup ammarneqarnerani peqataassaanga.

Taassuma saniatigut ataasinngornermi decembarip ulluisa 14-anni Kalaallit Nunaata Bella Centerimi aaqqissuussinermut peqataatitsinissaa Naalakkersuisut sulissutigaaq. Aaqqissuussinermi nunani issittuni silap pissusaanik ilisimasassarsiornert tunngavigineqassapput, tassanilu Artisk Råd-ip ilisimasassarsiornerni suliniutaanni marluusuni, tassalu Greenland Ice Sheet in a Changing Climate-mi (GRIS) aamma Snow, Water, Ice and Permafrost in the Arctic-imi (SWIPA) paasisat saqqummiunneqassapput. Aaqqissuussinermi tassani sassartitat oqallitsinneqarnerini peqataanissara naatsorsuutigaara.

Kiisalu Københavnimiinnera iluatsillugu ataatsimiinnernut aaqqissuussinernullu, COP15-imut peqatigitillugu ingerlanneqartunut, silap pissusaanut tunngatinneqartunut amerlasuunut peqataanissara anguniartussaavara.

2. Silap pissusaa pillugu isumaqatigiissusiassatut naatsorsuutigineqartumut Kalaallit Nunaat qanoq isummerniarpa?

COP15-imi ataatsimoorussamik, kisiannili nunarsuatsinni silap pissusianut allanngorartumik akisussaaffeqarfiusumik silap pissusaa pillugu nutaamik isumaqatigiissusiortoqarsinnaanissaa Naalakkersuisut sulissutigaa. Gassinik silaannarmik kissakkiartortitsisartunik aniatitsinitsinnik killilersuiniarluta tamatta suliniuteqarnissarput pingaaruteqarpoq, tamatumali peqatigisaanik nunat suliffissuaqarnikkut ineriartortitsisut aamma tamatumunnga inissaqartinneqarnissaat pingaaruteqarluni.

3. Kikkut peqataassappat?

Ilaatigut Naalakkersuisut silap pissusaa pillugu isumaqatiginninniartartui ilagalugit uanga COP15-imut peqataassaanga.

Silap pissusaa pillugu isumaqatiginninniartartunut ilaasortaapput:

- Steffen Ulrich-Lyngge, silap pissusaa pillugu isumaqatiginninniartartut siulittaasuut, Ineqarnermut, Attaveqarnermut Angallanermullu Naalakkersuisoqarfimmi pisortaq
- Bent A. Sørensen, Inuusutissarsiornermut Suliffeqarnermullu Naalakkersuisoqarfimmi pisortaq
- Jørn Skov Nielsen, Aatsitassanut Ikummatissanullu Pisortaqarfimmi pisortaq
- Mininnguaq Kleist, Nunanut Allanut Pisortaqarfimmi allaffimmi pisortaq
- Michael Pedersen, Attaveqarnermut Aqutsisoqarfimmi pisortaq
- Rasmus Sembach Olsen, Silap Pissusaanut Nukissiuuteqarnermullu allaffimmi pisortaq

Aammattaaq Naalakkersuisut Siulittaasuata Naalakkersuisoqarfiani pisortaaneq Peter Schultz peqataassaaq.

4. Ataatsimeersuarnissamut Kalaallit Nunaat qanoq sunillu piareersaateqarpa?

Naalakkersuisut piffissami sivitsulersumi COP15 pillugu Danmarkimut oqaloqateqarnerit ingerlappai, kiisalu silap pissusaa pillugu isumaqatigiissusiassamut Kalaallit Nunaata peqataanissaanut piumasaqaatissat isumaqatiginninniutigisimallugit. Isumaqatiginninniarnert sulii ingerlapput.

Taakku saniatigut atorfilittakka paasissutissanik, Danmarkimut isumaqatiginninniarnermut atugassanik ingerlaavartumik ujartuiuarput.

Inussiarnersumik inuulluaqqusilluta

Kuupik Kleist